

Caribbean Queen ta presenta e artista di mosaico Omaira Silva



ORANJESTAD – E tienda di Caribbean Queen na Palm Beach Plaza Mall ta honrando un artista femenino local, kende ta biba y crea riba e isla, tur luna. E programa di Reina Caribense a wordo lansa na momento cu e tienda a habri na fin di 2011. Pa e luna di januari 2013, e artista di mosaico local Omaira Silva ta e Reina Caribense, orguyosamente exponiendo su obranan bunita y atrevido den e tienda. Naci y cria riba e isla di Aruba, Omaira ta promove alegria ora e ta crea su arte. E ta un artista cu a educa su mes, cu un pasion pa Mosaico, esta e arte di crea imagennan cu un variedad di pida chikito di glas di color, piedra, spiel y otro material. E tecnica ta pertenece na arte decorativo, cual ta un aspecto di decoracion di interior, Omaira a splica, pero e arte ta rekeri mas cu djs capacidannan di diseño, e ta rekeri tambe pasenshi y destresa, un bon sentido tecnico, y mas cu tur cos un wowo artistico pa combinacionnan di color y forma.

Omaira a descubri e arte di Mosaico pa e prome biaha ora e tabata biba na Mallorca, den e Islanan Balearico di Spaña, unda el a mira algun di e miho ehempelnan di mosaiconan Islamico produci den e tempo di e Moronan di Spaña, traha pa artesanonan local, casi 1,000 aña pasa. Esaki a toca algo den dje. El a namora cu e proceso y unbes cu e tabata bek riba e isla na 2004, el a cuminsa perfecciona su habilidadnan, estableciendo su mes como un artista prome y despues como un maestra. Omaira a hereda su sentido di color for di su tata Hulandes/Frances, kende a nace na Surnam, y su mama naci na Venezuela, kende ta procedente di e area costero di Mariquit. El a lanta ta papia Hulandes y Spaño, cu Papiamentu mescla cu Ingles, despues casando cu James Rafael (miho conoci como Dennis) Silva na 1978, procedente di Trinidad & Tobago. Tur di e influencianan exotico aki, e ta splica, ta claramente visibel den su arte, den e uzo di media

mescla, y den su wowo fotografico skerpi. Inicialmente e ta saca potret pa inspiracion, y despues ta crea e obranan di arte, creando un balansa entre realidad y fantasia, cual den su trabou ta coexisti. Orguyoso di su yiunan y nietonan, Omaira awo tambe ta trahando riba un buki, diseña pa siña nan tocante e secretonan di su arte. Recientemente el a entrega un Mosaico di un yuwana gigantesco traha di glas y spiel na Aeropuerto Reina Beatrix Airport, como un piesa di exposicion permanente den e hardin di escultura. Pero mas tanto mi ta crea pa miembronan di famia y amigonan, pa presenta nan cu regalonan y ricibi alegria y amor bek di nan, e ta conclui. Disfruta di Omaira su obranan den transcurso di e luna di Januari, na Caribbean Queen, Palm Beach Plaza Mall. Riba e fotonan por disfruta di e obranan excepcional di Omaira Silva cu ta wordo exponi den Caribbean Queen. □